



**St John**

Here for Life

**Ngā utu**

## He whakamāramatanga ki ngā utu waka tūroro



### He aha te tikanga o ngā utu waka tūroro?

Kāore ā mātou ratonga waka tūroro i te utua katoatia e te Kāwanatanga. Tata ki te 80% o ngā utu whakahaere i tā mātou ratonga waka tūroro ka kapi i ētahi kirimana ki te Manatū Hauora, Te Kaporeihana Āwhina Hunga Whara (ACC) me ngā Poari Hauora ā-Rohe (DHBs).

Ka ea ngā nama e toe ana i:

- ngā utunga wāhi utu
- ngā koha ā-hapori, te koha moni me ngā whiwhinga i ā mātou mahi arumoni.

Ko te utu ki a St John:

- hei hoko, hei whakarite hoki i tētahi waka tūroro he \$200,000
- kia tika ai ngā kaimahi me ngā taputapu, hei whakaea hoki i ngā nama whakahaere mō te waka tūroro kotahi, ko tōna \$1 miriona ia tau.

### 1. Ngā utu ohotata, hauata hoki

E hāngai ana ngā utu nei ki te hunga:

- kirirarau, kainoho pūmau rānei o Aotearoa
- kaupupuri kōkota mahi, kua mana te noho ki Aotearoa mō ngā tau e rua neke atu rānei
- nō Ngā Kuki Airani, nō Niue, nō Tokelau rānei
- kirirarau o Ngā Whenua Tōpū o Piritana Nui ka noho pūmau ki reira, e toro mai ana ki Aotearoa.

Mēnā e toro mai ana koe i tāwāhi, ā, kāore tō tūāhua i te hāngai ki ērā kua whakarāngihia, tēnā tirohia te wāhanga c.

Mō ētahi atu whakamārama, tēnā toro ki [www.moh.govt.nz/eligibility](http://www.moh.govt.nz/eligibility), ki [www.acc.co.nz](http://www.acc.co.nz) rānei.



### a. He mate ohotata

**He wāhi utu \$88.00**

Mēnā ka āwhinatia koe e tētahi āpiha waka tūroro, ka kawe anō/rānei e te waka tūroro nā runga i tētahi mate ohotata. Me utu tonu koe i tēnei nama, ahakoa pea i tonoa te waka tūroro mōu e tangata kē.

**Kāore he utu**

Kāore kau he utu ki a koe mēnā he mema koe o te Kaupapa Kaitautoko o St John.

**Mō ētahi atu whakamārama ki te Kaupapa Kaitautoko, tēnā hurihia te whārangi nei, toro rānei ki [www.stjohn.org.nz/join](http://www.stjohn.org.nz/join)**

### b. He hauata

I mua i te hipanga o te 24 hāora nō te wharanga

**Kāore he utu**

Mēnā ka whara koe i tētahi hauata, he momo ka kapi i te ohu ACC ngā kawenga waka tūroro i mua i te hipanga o te 24 hāora nō te wharanga, mēnā hoki ka tutuki i te wharanga ngā paearu ACC.

Neke atu i te 24 hāora nō te wharanga

**He wāhi utu \$88.00**

Mēnā ka whara koe i tētahi hauata i pupū ake neke atu i te 24 hāora i mua, mēnā rānei ka kore e tutuki i tō wharanga ngā paearu ACC.

**Kāore he utu**

Kāore kau he utu ki a koe mēnā he mema koe o te Kaupapa Kaitautoko o St John.

**Mō ētahi atu whakamārama ki te Kaupapa Kaitautoko, tēnā hurihia te whārangi nei, toro rānei ki [www.stjohn.org.nz/join](http://www.stjohn.org.nz/join)**

### c. He uri nō tāwāhi e toro mai ana

**E \$800.00 te utu**

Mēnā e toro mai ana koe i tāwāhi, ā, kāore hoki e whai wāhi ana ki ngā ratonga hauora o Aotearoa kua utua tūmatanuitia, ka nui ake te nama hei utu māu mō ngā maimoatanga, mō ngā kawenga waka tūroro anō/rānei.

Mēnā he hoa, he whanaunga rānei ōu e toro mai ana i tāwāhi, me whai whakaaro rātou ki te inihua tāpoi\* hei whakakapi i ngā utu hauora ohore ka tūpono hua ake i a rātou i Aotearoa.

\*Tēnā āta tirohia ngā kupu o te kaupapa here kia mōhiotia ai ko ēhea ngā utu hauora ka kapi i a ia.



## 2. Ngā utu ohotata-kore (rīhitanga tūmataiti) – ka āta whakaritea, ka whakamahia anō e koe he waka tūrora

Me utu ēnei kawenga waka tūrora ohotata-kore (rīhitanga tūmataiti):

- te haere ki, te haere atu rānei i tētahi wāhi noho tūmataiti (tae atu ki ngā whare tiaki kaumātua)
- te haere ki, te haere atu rānei i tētahi hōhipera (mēnā kāore i mana i te hōhipera)
- ngā whakawāteatanga i te hōhipera.

Kāore ēnei kawenga i te kapi i ngā pūtea Kāwanatanga, nā reira me utu te utu katoa. Kei te tawhiti o te haere te rahi o te utu ki a koe.

Te tawhiti o te haere	Te utu
35 km, heke iho rānei	\$200.00
36 – 100 kms	\$5.66 ki ia km
101 – 400 kms	\$6.21 ki ia km
Neke atu i te 400 km	\$7.52 ki ia km
Te hunga kāore e whai wāhi ki ngā ratonga tūmatanui utukore – he utu kotahi	\$800.00

## 3. Ngā utu whakawhiti ki waenga hōhipera

Ko ngā kawenga whakawhiti tūrora ki waenga hōhipera – ina tonoa ai e te DHB – ka kapi tonu i te DHB. Mō ngā kawenga waka tūrora kē atu (tae atu ki ngā whakawāteatanga i te hōhipera) me utu e koe tētahi utu rīhi tūmataiti (tirohia i runga nei).

**Tauāki matatapu:** Ka aro pū a St John kia noho muna ngā mōhihio mōu ake. Ko ngā mōhihio ka riro mai i a mātou ka whakamahia e ai ki tā mātou kaupapa here matatapu, ka whakamahia anō pea hei toro ki a koe mō ngā kaupapa tono urupare, rangahau hoki. E wātea ana tā mātou kaupapa here matatapu hei tirohanga māu ki [www.stjohn.org.nz/privacy](http://www.stjohn.org.nz/privacy)

Kia mōhio mai koe. Ka kapi i ngā utu katoa kua whakarārangihia nei te tāke GST, ā, e tika ana i te rangi 1 o Paengawhāwhā 2014. Ka rerekē pea ngā utu i ōna wā, otirā ka whakaputaina ki [www.stjohn.org.nz](http://www.stjohn.org.nz)

## Piri ki te Kaupapa Kaitautoko

Mā te utu kia piri ai koe ki te Kaupapa Kaitautoko o St John, ka tau tō mauri i te mōhio, ki te hua ake he mate ohotata\*:

- ka tae utukore atu te waka tūrora ki a koe ki te hiahiatia
- ka kawea utukoretia koe ki te hōhipera, ki te whare hauora ohotata pātata rānei ki te hiahiatia.

Kāore hoki he utu kia tae atu ai te waka tūrora ki a koe i tētahi wā ohotata, kia kawea anō ai koe ki te hōhipera, ki te whare hauora ohotata pātata rānei, ki te hiahiatia, mō ngā wharanga i te hauata i pupū ake neke atu i te 24 hāora i mua (ka kapi pea i te ohu ACC ērā i pupū ake i roto tonu i te 24 hāora).

<b>Takitahi</b>	He tangata kotahi	<b>\$45.00</b>
<b>Takirua</b>	He tāngata tokorua e noho pūmau ana ki te wāhi noho kotahi	<b>\$60.00</b>
<b>Kāinga</b>	He tāngata tokotoru neke atu e noho pūmau ana ki te wāhi noho kotahi	<b>\$75.00</b>

Ka mana tō utu hei mema o te Kaupapa Kaitautoko mō te tau kotahi, ā, kāore kau he wāhi utu waka tūrora hei whakaea māu i tēnei wā. Ka kore e kapi i te kaupapa nei ngā wāhi utu o mua.

Hei piri ki tēnei kaupapa, e toro ki [www.stjohn.org.nz/join](http://www.stjohn.org.nz/join) me tō kāri nama/tāwere, waea mai rānei ki **0800 ST JOHN (0800 785 646)**.

\* Ko ngā tuāhua mate ohotata ko ērā pēnei i te hauaitu, te mate huangō kikino, te mate manawa rānei e tonoa ai te waka tūrora hei tuku āwhina ki tēnei tuāhua ohotata motuhake. Ka kore e kapi i te Kaupapa Kaitautoko ngā rīhitanga waka tūrora tūmataiti mō ngā tuāhua ohotata-kore.

E piri ai koe ki te kaupapa, me mana rawa koe hei kirirarau, hei kainoho pūmau rānei o Aotearoa, me whai wāhi rānei ki ngā ratonga hauora tūmatanui utukore o Aotearoa e ai ki ngā kaupapa here a te Manatū Hauora. Ka kore e tukuna e St John ngā ratonga waka tūrora ohotata ki Te Whanganui-a-Tara me te Wairarapa.

Tēnā tirohia ngā tikanga me ngā here ki [www.stjohn.org.nz/supporter-terms](http://www.stjohn.org.nz/supporter-terms) Arā tonu he whakamahuetanga.

Working Together



ASB